

郭 说

说郭

說郛卷第十

事始 三卷

唐留 存

吳王諸議行太子洗馬弘文館學士奉敕撰

皇王

世皇帝紀曰天地之分有天皇氏也

皇帝

世皇帝紀曰五帝之初有天皇帝也

王

世皇帝紀曰三王之初有夏禹

車

易曰服牛乘馬引重致遠釋名曰黃帝造舟車故曰軒轅氏

世本曰奚仲造車謂廣其制度也

鸞車

禮記曰鸞車有虞氏之輅也

鈎車

禮記曰鈎車夏后氏之輅也

乘輅

禮記曰乘輅殷輅也

金根車

董巴漢輿服志曰秦王作金根車也

指南車

崔豹古今註曰大駕指南車起於黃帝與蚩尤戰於涿

鹿之野兵出天作大霧兵士皆迷於是乃作指南車以示四方樂臺註鬼谷子曰肅慎氏獻白雉還恐惑周公爲作指南車以送之述征記曰軍止北門中有指南車車有木仙人持信旛車四西東人恆指南又云管仲所作也

輅車 李尤大輅車銘曰奚仲本造後裔飾雍車以代步可以從容也

相風 沈約宋書輿服志曰案周禮無相風此古制愚以爲是秦制也

華蓋 崔豹古今註云黃帝所作也與蚩尤戰常有五色雲在帝上故爲華蓋也

曲蓋 古今註云武王伐紂大風折蓋太公因而爲折蓋之形雉尾扇 古今註云起於殷高宗周以爲王后夫人之服飾也

豹尾 古今註云周制也

旄頭 列異傳曰秦文公時梓樹化為牛以騎擊之騎不勝或墜地髻解被牛裹之入水故秦自是以髻頭騎使先驅玄中記曰秦始皇時南山有梓樹大數百圍蔭宮中始皇使三百人披頭以赤絲繞樹伐之因而立髻頭騎

旌 管子曰舜有進善之旌旌者精也有精光也

旗 列子曰黃帝與炎帝戰以鵬鵠胡葛反為旗幟

旂 世本曰黃帝作旂說文曰旂曲柄也所以招士衆

褰衣 董巴漢輿服志曰周公抱成王晏居故施褰衣

璽 春秋運斗樞曰黃帝為天子黃龍負圖而出圖中有璽章文

曰天皇符璽

弁 世本曰魯昭公所作

冕 世本曰黃帝作

貂蟬 戰國策曰趙武靈王好胡服有貂蟬冠秦皇破趙得其冠

以賜侍中

通天冠 蔡邕獨斷曰天子冠秦禮無文漢作竹皮冠

履 世本曰於則作屣履宋衷曰黃帝臣草曰屣麻皮曰履

几 李尤几銘序曰軒轅作

扇 古今註曰五明扇舜所作也

書 易曰上古結繩而治後世聖人易之以書契聖人謂庖犧氏

世本曰沮誦蒼頡造書宋衷曰皆黃帝臣也

篆書 呂氏春秋曰周宣王史籀造

隸書 史記曰秦時程邈造

草書 李延說草書曰漢興有草書不知誰作也

禮 禮運曰禮本於太一鄭玄六藝論云禮之興蓋與詩同時

詩 大戴禮曰黃帝樂曰雲門樂章曰詩起自黃帝鄭玄議虞書

曰詩言志歌詠言然則詩之爲道倣於此乎

尚書 孔安國序曰斷自唐虞已下迄於周

易 繫辭曰古者聖人作易注云伏羲也

春秋 孟子曰魯謂之春秋按此起於周公且孔子修春秋起於
隱公時

史 呂氏春秋曰倉頡作史

子 劉勰文心曰鬻熊作書題爲鬻子

曆 世本曰容成造曆黃帝之臣

甲子 世本曰大撓作甲子黃帝之臣

命令 史記曰秦兼天下令曰制

制誥 釋名曰詔昭闇也以此示之使昭然也蔡邕獨斷曰制誥
王者之言必爲法制也詔猶告也三代無其文秦漢有焉

符 魚龍河圖曰玄女出兵符信符黃帝制蚩尤

章表 漢雜事曰秦初定制改書爲奏漢定禮儀則有四品一曰

諫書卷十
三
章二曰奏三曰表四曰駁議

檄 檄者誥誓之流也戰國策曰張儀檄楚始有此名也

移 劉勰文心曰劉歆移太常按此移文所起也

啓 沈約書云景帝名啓當時俱諱自魏國牋記末方云謹啓

議 管子曰軒轅有明臺之議

賦 詩序曰二曰賦然則賦者與詩同起至春秋鄭莊公賦大隧之中見左傳

頌 詩序曰六曰頌周公作時邁頌見於詩

祝文 禮記曰伊耆氏始爲八蜡以祭八神土反其宅水歸其澤昆蟲無作草木歸其宅是祝文也

盟誓 尚書禹乃會羣后誓於師禮記曰誥誓不及五帝也

箴 文心曰軒轅輿凡與弼不逮卽爲箴也

銘 蔡邕銘論曰黃帝有金人巾几之銘

誄 周禮曰大夫以上作諡禮記曰魯莊公戰於乘丘士之有誄自此始也

碑 管子曰無懷氏封泰山刻石紀功按此碑之始也

對問 史記曰宋玉對楚王問

七發 文心曰枚乘作七發

連珠 沈約上連珠表註云始自揚子雲也

三言 毛詩曰振振鷺鷥于飛鼓淵淵醉言歸

四言 毛詩曰關關雎鳩

五言 召南曰誰謂雀無角其成篇起李陵蘇武

六言 齊風曰俟我于庭乎而

七言 秦車麟曰交交黃鳥止于棘其成篇起武帝柏梁詩

八言 節南山曰我不敢效我友自逸

烽火 黃帝出軍決法曰軍兩散敵地形不便望見烽火也

兵 世本曰蚩尤作兵宋衷註曰神農臣也

甲 世本曰興作甲少康子也

戈戟 呂氏春秋曰蚩尤作五兵五兵者周爲戈戟酋矛夷矛已具上

楯 山海經曰羿與鑿齒戰於疇華之野羿持弓矢鑿齒持楯

鎧 管子曰葛盧之山發黃金蚩尤受之制以爲鎧說文曰甲也

弓 世本曰揮於作弓宋衷曰黃帝臣孫卿子曰倕作弓

矢 世本曰夷則作矢此黃帝臣

弩 古史考曰黃帝作弩

藥 世本曰神農嘗百草以和藥濟人也

律 風俗通曰皋陶造律史記曰李悝造律也

刑罰 尚書蚩尤作五虐之刑虞書曰舜作五刑世本曰伯夷作

五刑夏作贖刑

獄 急就篇皋陶造獄釋名曰又爲牢也

斬 尸子曰黃帝斬蚩尤於中冀

棄市 漢書中元二年改磔曰棄市

流 尚書曰流四凶族各處四裔

徒 周禮曰凡民有罪役諸司空云徒也

齋戒 春秋命戒圖曰黃帝請問太一長生之道太一曰齋戒六

丁可成功註云丁取丁寧戒取戒慎

社 郊特牲曰社祭土而主陰氣也左傳共工氏有子曰句龍爲

后土也

稷 孝經云稷五穀之長左傳曰有烈山氏之子曰柱烈山炎帝

後也自夏后以上祀之周棄爲稷卽后稷也唐虞稷官也自商以

來祀之今配之也

禘 禮記曰伊耆氏始爲禘禘者索也

五祀 世本曰殷湯作五祀白虎通曰五祀者門戶井竈中霤也
高禘 五經要義曰高禘者蓋先王所謂子孫之祀也以玄鳥至
之日以太牢祀於高禘註曰高辛氏妃簡狄吞燕卵而生契後王
以爲禘官故因此而祀之

儼 禮記曰顓頊氏有二子生而亡去爲疫鬼一居江水中爲瘧
一居人宮室區隅中善驚小兒於是以正歲十二月命祀官方相
氏蒙虎皮黃金四目玄衣纁裳執戈揚盾帥隸及童子而時儼以
索室毆疫鬼也

河伯 龍魚河圖曰河伯姓呂名公子夫子姓馮名夷上古聖賢
處所記曰馮夷者弘農華陰人也在潼關提道里住服八石得水
仙爲河伯

蔣侯祠 搜神記曰蔣子文者廣陵人嗜酒好色自謂青骨死當
爲神漢末爲秣陵尉逐賊至鍾山下爲賊擊傷有頃遂死及吳先

主之初其故吏見子文於道頭乘白馬執白羽從如平生謂吏曰
我當王此土神以福爾下民爾可宣告百姓爲立祠孫權知之於
是使者封子文爲中都侯次弟緒爲長水校尉

啓母祠 帝王世紀曰陽城有啓母祠漢元鼎元年武帝東巡中
岳見啓母爲百姓尊之至今猶存也

稷丘君 列仙傳曰稷丘君者太山下道士武帝爲立祠

虞子英祠 列仙傳曰子英舒鄉人善入水捕魚得赤鯉養長丈
餘魚言汝上我背與魚俱升天數歲歸來見妻子魚復來迎吳中
門戶作神魚子英祠

徐君廟 異苑曰吳郡有徐君廟所居左右爲劫盜非法者便如
拘縛終至被執

清溪小姑廟 異苑曰是蔣侯第三妹

梅姑廟 異苑曰丹陽湖側有梅姑廟生時有道術能著履行水

上堦怒殺之投屍水中乃流至廟處卽時有方頭漆棺在祠堂下晦日望之時見水霧中有形廟左右不敢取魚射獵

茅山廟 山謙之南徐州記曰延陵縣南有茅山漢帝時咸陽人茅盈及固並得道之處

石侯祠 搜神記曰豫章縣有高山峻石仰之絕脰俗名石侯祠

赤松子廟 異苑曰赤松子於此縣得仙乃立廟

諸侯王 漢書云帝世子封王號曰諸侯王比古之諸侯也

三公 傅子曰黃帝以風后配中台五聖配下台爲三公也

丞相 漢書曰秦官

司徒 管子曰黃帝得祝融南方故使爲司徒也

大司馬 春秋斗運樞曰黃帝大司馬容光也

太尉 河圖錄運法曰堯坐舟中與太尉舜觀鳳凰漢書曰太尉

秦官也

司空 左傳曰鳴鳩氏爲司空也按鳴鳩少昊也

尙書令 續漢書曰秦置漢元鼎二年以張安世爲尙書令任安亦爲之

尙書僕射 漢書曰僕射秦官也古者武官有僕射以督課之自

侍中尙書博士官皆有之獻帝時始置左右僕射

中書監令 漢書曰孝武帝遊宴後宮以宦者掌尙書事改爲中書謁者置僕射充宦者之職皆曰中書監令魏志曰黃初中改祕書爲中書監令

侍中 環濟要略曰侍中古官也風后爲黃帝侍中周時號爲常伯漢書曰侍中秦官皆得入禁

黃門侍郎 漢書給事黃門侍郎皆秦官也

中書侍郎 漢官儀曰漢置中書領尙書事

太師 史記曰周成王爲天子以太公望爲太師

太傅 大戴禮曰昔成王幼周公爲太傅

太保 大戴禮曰成王以召公爲太保

三孤 尚書曰少師少傅少保曰三孤

卿 尚書曰天子五服孔安國云五服天子諸侯卿大夫士之服

按此卿始於唐虞

太常卿 尚書秩宗周禮宗伯秦曰奉常景帝六年更曰太常卿

光祿勳一人 漢書曰秦曰郎中令武帝太初元年改曰光祿勳也

廷尉卿 漢書曰秦官也

大理宗正 漢書曰景帝中改廷尉爲大理宗正

衛尉卿 漢書曰秦官也

執金吾 漢書曰秦名中尉武帝太初元年更名執金吾

大司農 漢書曰秦治粟內史景帝改爲大司農令武帝名大司

農

少府卿 漢書曰秦官也

太僕卿 應劭曰周穆王所置也

將作少匠 漢書曰將作少府景帝更爲將作匠

大鴻臚 漢書曰秦曰典客武帝名大鴻臚

廷尉平 漢書曰宣帝置

御史大夫 漢書曰秦官也

御史中丞 漢書曰秦官也

開府儀同三司 東觀漢記曰劉隱延平元年拜儀同三司號自

隱始也

司隸校尉 漢書曰周官也武帝依周置之

治書御史 漢書曰宣帝元鳳中置

御史 周禮曰惟王建國立御史也